



PRAVILNIK XII BH MASTERS 2014

Ovim Pravilnikom se utvrđuju kriteriji za učestvovanje na turniru XII BH Masters-u 2014.

Član 1.

Pravo učestvovanja na BH Masters turniru imaju igrači koji su članovi registrovanih BiH klubova odnosno Klubova koji su izmirili obaveze članarine za igrače prema Golf Asocijaciji Bosne i Hercegovine.

Član 2.

Masters će se odigrati na Golf igralištu VF-a u Sarajevu u terminu **24.25. i 26. 10. 2014.** Datum odigravanja može se pomjeriti zbog nepredviđenih okolnosti.
Na BH Masters-u učestvuje 20 igrača, od toga 4 dame i 16 muških igrača.

Član 3.

Pravo nastupa imaju igrači koji su igrali kvalifikacione turnire:

- X Državno prvenstvo u Sarajevu.
- II President Cup u Sarajevu
- Posušje (naziv turnira će biti naknadno određen) u Posušju
- IX KUP Bosne i Hercegovine u Posušju

Član 4.

Način bodovanja:

Pošto se svi turniri igraju STROKE najboljih 16 muških igrača i 4 dame po ukupnom zbiru će igrati MASTERS, odnosno u MASTERS-u 2013 godine igrat će igrači koji imaju najmanji broj udaraca iz kvalifikacionih turnira. Da bi igrač/igračica imao/la pravo nastupa **MORA** igrati 3 od 4 turnira kvalifikaciona turnira. Igrač/igračica može igrati sva 4 kvalifikaciona turnira od kojih će se računati 3 najbolja rezultata. Ukupnom rezultatu sa igrališta u Posušju dodat će se 10 udaraca zbog izjednačavanja broja udaraca sa igralištem u Sarajevu.

Član 5.

BH Masters se igra 3 dana. Svaki dan se igra 18 rupa. Igrači su raspoređeni u grupe (flight) po 4 igrača, Način igre je STROKE. Igra se po Pravilima St.Andrews i lokalnim pravilima igrališta.

Pobjednik je igrač/igračica koja ima najmanji broj udaraca. U slučaju istog rezultata za 1-4 mjesta – razigravanje rupe br 18,1 i redom do konačnog pobjednika. U slučaju istog rezultata za ostala mjesta odlučuje zadnji dan, zadnja rupa, 2 dan ... Nagrade najboljima su za prva tri mjesta u dvije kategorije. Proglašenje najboljih će biti odmah po završetku turnira.

Član 6.

Grupe će za prvi dan biti raspoređene po rezultatima, odnosno plasmanu na kvalifikacionim turnirima, a ostalim danima po rezultatima iz prethodnog dana, odnosno treći dan po zbiru prethodna dva dana. Kotizacija po učesniku iznosi 100 KM. Ako igrač odustane ili je spriječen da učestvuje, otkazni rok je 3 dana prije početka BH Mastersa do 12 sati. Poslije ovog roka igrač koji je odustao, a nije prijavio odustajanje plaća kaznu Golf Asocijaciji BiH u iznosu od 500,00 KM. U slučaju da ne izmiri ovu obavezu prema GABIH-u do 1.01. naredne godine, BRIŠE se iz evidencije.

Član 7.

U slučaju odustajanja, odnosno otkaza u regularnom otkaznom roku, kao zamjena nastupaju igrači koji su na kvalifikacionim turnirima imali najmanji broj udaraca.

Član 8.

Zvanični trening je 23.10. 2014. godine.

Član 9.

Rok za prijavu je 19.10.2014. do 18 sati.

Član 10.

Žalba iznosi 100,00 KM. Žalba se može predati najkasnije 10 minuta poslije preliminarnih rezultata u pisanoj formi. U slučaju pozitivne žalbe novac će biti vraćen, u protivnom će se zadržati. Organizacioni odbor BH Mastersa će objaviti raspis turnira najkasnije 7 dana prije početka sa imenima lica koja su zadužena ispred Organizacionog Odbora.

Predsjednik
Jasmin Selmanagić

Dostavljeno:

- arhivi Golf Asocijacije
- Golf klub „Sarajevo“
- Golf klub „Posušje“
- GK Betanija
- GK Hercegovina
- GK ZAVIDOVIĆI
- GK SMREKA